



REPUBLIKA E KOSOVES-REPUBLIKA KOSOVA-REPUBLIC OF KOSOVO  
KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS  
NEZAVISNI NADZORNI ODBOR CIVILNE SLUŽBE KOSOVA  
INDEPENDENT OVERSIGHT BOARD CIVIL SERV. OF KOSOVO

|  |                               |                               |                               |
|--|-------------------------------|-------------------------------|-------------------------------|
| Pranuar / Dorezuar<br>Prilijeno/Prodato<br>Received/Delivery | 15.01.2021                    | 1                             | viti<br>god<br>year           |
| Organ /Njesia<br>Organ /Jedinica<br>Org./Unit                | Nr Prot<br>Br Prot<br>Prot No | Shtojca<br>Pislog<br>Appendix | Sasia<br>Kolicina<br>Quantity |
| SKPM/SHK   | 166/2021                      |                               | 1/4                           |



**Republika e Kosovës**  
**Republika Kosova-Republic of Kosovo**

**KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS**  
**NEZAVISNI NADZORNI ODBOR CIVILNE SLUŽBE KOSOVA**  
**INDEPENDENT OVERSIGHT BOARD FOR THE CIVIL SERVICE OF KOSOVA**

A.nr.386/2020

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave në përbërje nga: Jeton Koca-kryetar, Malsore Gashi-Bajraktari dhe Eshref Shabani-anëtarë dhe Avdyl Bekteshi-Zyrtar i Lartë për Bashkëpunim Profesional në cilësinë e procesmbajtësit, ka shqyrtuar ankesën me numër A.nr.386/2020 të datës 03.12.2020 të parashtruar nga ankuesi me adresë rruga "Hys Popova", Nr. 35 në Vushtrri, kundër organit të punësimit Institutit të Mjekësisë Ligjore/Ministrisë së Drejtësisë, në çështjen juridike "kërkesë nga marrëdhënia e punës/mos vazhdim i kontratës së punës", duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.8 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim, me datën 13.01.2021, mori këtë:

**V E N D I M**

Këshilli i Pavarur Mbikëqyrës për Shërbimin Civil të Kosovës shpallet jo kompetent për të vendosur për ankesën me numër A.nr.386/2020 të datës 03.12.2020, e parashtruar nga ankuesi

**A r s y e t i m**

Ankuesi i punësuar në pozitën e punës "Hetues Mjeko-Ligjor", në Institutin e Mjekësisë Ligjore, në kuadër të Ministrisë së Drejtësisë, me datë 03.12.2020, ka parashtruar ankesë me numër protokoll 2914/2020 e regjistruar me numër A.nr.386/2020, në Këshillin e Pavarur Mbikëqyrës për Shërbimin Civil të Kosovës, me pretendimin që Këshilli të shqyrtoj dhe vlerësoj veprimet dhe vendimet e ndërmarra lidhur me shuarjen e pozitës "Hetues Mjekësor i Vdekjes", sipas Rregullosës MD Nr.01/2020 për Organizimin e Brendshëm dhe Sistematizimin e Institutit të Mjekësisë Ligjore.

Këshilli i Pavarur Mbikëqyrës për Shërbimin Civil të Kosovës bazuar në dispozitat e Rregullores Nr.02/2018 për Procedurën e Shqyrtimit dhe Vendosjen e Ankesave, me datë 08.12.2020, ka proceduar kërkesën për përgjigje në ankesë të Ministrisë e Drejtësisë. Këshilli me datë 21.12.2020, ka pranuar përgjigje në ankesë nga Ministria e Drejtësisë, se bashku me shkresat e bashkangjitura të lëndës.

Kolegji për Shqyrtimin e Ankesave ka administruar këto prova: Ankesën e datës 03.12.2020 me Nr.prot:2914/2020 e parashtruar nga ankuesi në Këshillin e Pavarur Mbikëqyrës për Shërbim Civil të Kosovës; Përgjigjen e datës 30.11.2020 të Udhëheqëses së Divizionit të Burimeve Njerëzore; Kërkesën e datës 26.11.2020 për ligjshmërinë e rregullores MD-Nr.01/2020 për organizimin e brendshëm dhe sistematizimin e Institutit të Mjekësisë Ligjore; Peticionin e datës 03.08.2020 për pezullimin e procedurës së hyrjes në fuqi të rregullore Nr.01/2020; Përmbledhjen e procesverbalit të takimit të datës 03.08.2020; Reagimin në draft raportin vlerësues të BE-së lidhur me Projektin IPA2; Komunikatën për media të datës 20.11.2020; Vendimin e datës 04.03.2020 të Sekretarit të Përgjithshëm të MD-së; E-mailin e datës 07.07.2020 nga N.U; Kërkesën e datës 13.07.2020 për pezullimin e procedurës së hyrjes në fuqi të rregullore me Nr.01/2020; E-mailin e datës 14.08.2020 nga B.ZH; E-mailin e datës 11.08.2020 nga ankuesi; E-mailin e datës 10.08.2020 dhe 07.08.2020 nga B.G; E-mailin e datës 08.08.2020 dhe 07.08.2020 nga I.M; E-mailin e datës 02.06.2020 nga E.H; E-mailin e datës 05.08.2020 nga B.G; E-mailin e datës 05.08.2020 nga N.Sh; E-mailin e datës 04.08.2020 nga ankuesi; E-mailin e datës 30.01.2018 nga M.H.G; Kërkesën e datës 12.10.2020 për plotësim/ndryshim të Rregullores MD-Nr.01/2020 për Organizimin e brendshëm dhe sistematizimin e Institutit të Mjekësisë Ligjore; Komentet lidhur me Rregulloren MD-Nr.01/2020 për organizimin e brendshëm dhe sistematizimin e Institutit të Mjekësisë Ligjore; E-mailin e datës 25.06.2019, 23.11.2018, 06.12.2018, 05.12.2018, 04.12.2018, 06.07.2020 nga B. ZH; Akt Emërimit e datës 01.07.2013 të ankuesit; Përshkrimin e detyrave të punës të datës 04.09.2009 për pozitën Hetues Mjekësor i Vdekjes; E-mailin e datës 21.12.2020 nga M.Sh; E-mailin e datës 17.12.2020 nga B.Z; E-mailin e datës 02.06.2020 nga N.B; E-mailin e datës 02.06.2020 nga E. H; Organogramin e Institutit të Mjekësisë Ligjore; E-mailin e datës 15.04.2020 nga E.A; E-mailin e datës 14.04.2020 nga F.P; E-mailin e datës 14.04.2020 nga N.B; E-mailin e datës 16.04.2020 nga NIEVERGELT Rafael; Rregullore MD - Nr.01/2020 për Organizimin e Brendshëm dhe Sistematizimin e Institutit të Mjekësisë Ligjore; E-mailin e datës 06.01.2021 nga A.B; E-mailin e datës 08.01.2021 nga B.Z për A.B.

Kolegji për Shqyrtimin e Ankesave pasi ka shqyrtuar të gjitha shkresat e lëndës, të parashtruara nga palët, ka konstatuar se Këshilli i Pavarur Mbikëqyrës për Shërbimin Civil të Kosovës, nuk është kompetent për të vendosur lidhur me ankesën A.nr.386/2020 të datës 03.12.2020, e parashtruar nga ankuesi, *sepse*;

Ankuesi në ankesë e parashtruar në Këshill e Pavarur Mbikëqyrës për Shërbimin Civil të Kosovës, kërkon që Këshilli të shqyrtoj dhe vlerësoj veprimet dhe vendimet e ndërmarra lidhur me shuarjen e pozitës "Hetues Mjekësor i Vdekjes", sipas Rregullores MD Nr.01/2020 për Organizimin e Brendshëm dhe Sistematizimin e Institutit të Mjekësisë Ligjore.

Kolegji nga shqyrtimi i shkresave të lëndës ka gjetur se ankuesi mban pozitën e punës "Hetues Mjeko-Ligjor" në kuadër të Departamentit të Mjekësisë Ligjore.



të Ministrisë së Drejtësisë, si dhe nenin 16 ku parashihet se: "Organizimi i brendshëm dhe sistematizimi i Institutit, rregullohet me akt të veçantë, të cilin e miraton Ministri i Drejtësisë në pajtim me Ligjin për administratë shtetërore. Ky akt përfshihet si kre i veçantë në Rregulloren për organizimin e brendshëm dhe sistematizimin e vendeve të punës të Ministrisë së Drejtësisë.

Kolegji për Shqyrtimin e Ankesave lidhur me statusin e organizimit të Institutit të Mjekësisë Ligjore, ka analizuar Rregulloren Nr.01/2020 për Organizimin e Brendshëm dhe Sistematizimin e Institutit të Mjekësisë Ligjore, dhe duke iu referuar pjesës hyrës të rregullores, Kolegji vlerëson se Rregullorja Nr.01/2020 për Organizimin e Brendshëm dhe Sistematizimin e Institutit të Mjekësisë Ligjore është nxjerr duke u bazuar në dispozitat e nenit 13 të Ligjit Nr.06/L-113 për Organizimin dhe Funksonimin e Administratës Shtetërore dhe të Agjencive të Pavarura, e me të cilin nen është përcaktuar se: "1. Administrata e shërbimeve publike është përgjegjëse për ofrimin e shërbimeve drejtpërdrejtë për qytetarët, në pajtim me ligjin. 2. Administrata e Shërbimit Publik organizohet si një njësi e Shërbimit Publik apo si një institucion i Shërbimit Publik. 3. Njësia e Shërbimit Publik apo institucioni i Shërbimit Publik themelohet, organizohet, funksionon dhe shuhet sipas ligjeve të veçanta sektoriale, që rregullojnë atë shërbim publik. 4. Veprimtaria e njësisë së Shërbimit Publik drejtohet dhe bashkërendohet nga ministria apo një agjenci ekzekutive përgjegjëse.


Po ashtu, Departamenti për Reformën e Administratës Publike dhe Integritet Evropian, në kuadër të Ministrisë së Punëve të Brendshme, përmes e-mailit zyrtar të datës 02.06.2020 dhe 08.08.2020, ka konfirmuar se Instituti i Mjekësisë Ligjore organizohet sipas nenit 13 të Ligjit Nr.06/L-113 për Organizimin dhe Funksonimin e Administratës Shtetërore dhe të Agjencive të Pavarura.

Andaj, duke u bazuar në përcaktimin si me lartë lidhur me statusin e organizimit të Institutit të Mjekësisë Ligjore, Kolegji për Shqyrtimin e Ankesave konstaton se pozita e ankuesit nuk konsiderohet pozitive e nëpunësit civil por pozitive e nëpunësit të shërbimit publik siç parashihet me neni 2 paragrafi 4 të Ligjit Nr. 06/L-114 për Zyrtarët Publikë ku përcaktohet se: *Nëpunësi i Shërbimit Publik - është personeli i nivelit të lartë drejtues, drejtues, profesional dhe i shërbimeve të brendshme në administratën e shërbimeve publike, pjesë e administratës shtetërore apo në administratën e shërbimeve publike, pjesë e një komune të cilët ofrojnë shërbime publike të drejtpërdrejte për qytetarët në fushën e arsimit, shëndetësisë, kulturës, artit si dhe shërbime tjera të ngjashme publik, në këtë kuptim rrjedhë se Këshilli nuk është kompetent për të vendosur për ankesën e ankuesit sepse bazuar në nenin 6 paragrafi 1 nen paragrafi 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, Këshilli është kompetent për të vendosur vetëm për nëpunësit civil dhe kandidatet për pranim në Shërbimin Civil, respektivisht për zyrtarët publikë të përcaktuar në nenin 2 paragrafi 2 nen paragrafi 2.1 dhe paragrafi 3 si dhe nenin 4 të Ligjit Nr.06/L-114 për Zyrtarët Publikë.*

Kolegji për shqyrtimin e ankesës, pas shtjellimit dhe vlerësimit të të gjitha shkresave të lëndës si dhe duke u bazuar në kompetencën e Këshillit, vendosi si në dispozitiv të këtij Vendimi.

Vendimi hyn në fuqi në ditën e nënshkrimit nga Kryetari i Kolegjit.

**Këshillë juridike:** Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë/Departamenti për Çështje Administrative, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.





shtetërore apo në administratën e shërbimeve publike, pjesë e një komune të cilët ofrojnë shërbime publike të drejtpërdrejte për qytetarët në fushën e arsimit, shëndetësisë, kulturës, artit si dhe shërbime tjera të ngjashme publik, në këtë kuptim rrjedhë se Këshilli nuk është kompetent për të vendosur për ankesën e ankuesit sepse bazuar në nenin 6 paragrafi 1 nën paragrafi 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, Këshilli është kompetent për të vendosur vetëm për nëpunësit civil dhe kandidatet për praninë në Shërbimin Civil, respektivisht për zyrtarët publikë të përcaktuar në nenin 2 paragrafi 2 nën paragrafi 2.1 dhe paragrafi 3 si dhe nenin 4 të Ligjit Nr.06/L-114 për Zyrtarët Publikë.

Kolegji për Shqyrtimin e Ankesës, pas shqyrtimit dhe vlerësimit të të gjitha shkresave të lëndës si dhe duke u bazuar në kompetencën e Këshillit, vendosi si në dispozitiv të këtij Vendimi.

Vendimi hyn në fuqi në ditën e nënshkrimit nga Kryetari i Kolegjit.

**Këshillë juridike:** Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë/Departamenti për Çështje Administrative, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

**KËSHILLI I PAVARUR MBIKËQYRËS PËR SHËRBYMIN CIVIL TË KOSOVËS**  
**Lënda me numër A.nr.386/2020**

**Avdyl BEKTESHI**  
*për*  
**Procesmbajtës**

**Jeton KOCA**  
**Kryetar i Kolegjit**



**Vendimi i dërgohet:**

- Ankuesit
- Drejtorit të Përgjithshëm të Institutit të Mjekësisë Ligjore;
- Sekretarit të Përgjithshëm të Ministrisë së Drejtësisë;
- Udhëheqësit të Burimeve Njerëzore në Ministrinë e Drejtësisë;
- Arkivit të KPMSHCK-së.